

12. La pena Gradura + Alcuentru col llobu

- Lugar: Gradura, TEBERGA.
- Narradores: Feliciano Fernández Fernández, 78 años, y la so muyer, María Luisa Álvarez Pérez, 68 años, natural d'Eilao (2003).
- Recopilador: J. S. L.

Esta pena de Gradura llaman La Pena Gradura, pero aparte tien muchísimos *nombres*... ahí llaman El Cuetu Llobu, El Picu la Rasa... después hai outra... La Cueva'l Tubu... hai outru... Bilortosu ya Enterriaculos, Cuestarraña... hai muchu, pero eso hai que llevalu *dahechu* así, ire... —[dafechu]— dafeichu... bueno... Campos ya Bicesa, Entecampos, La Cueva'l

Mouriu... La Senda'l Gabitu, que ia la principal de ir al mediu La Pena... Cuestarraña tien una cueva que va mucha xente... después sigue: Los Llabanones, Los Puaxarones, Vallina Tichéu, Llano'l Tichéu, La Mozqueta, Las Cuevas, Los Ancinales... después... voi corriendo... La Planadona, Trellucantu, Los Fuxiles, La Forcachina... —ahí fue ande matanon dos cuando se *liberóu*... aquí d'estos que taban fugaos... La Forcachina, Vallina la Veiza, El Pozu las Grachas —ia mui importante—.

[M^a Luisa]: —¡Oí, tuvi yo ahí, fiú!, ¡me cago en la *leña!*, tuvi yo allí, hai un furaco... mandas una piedra y tarda igual más de cinco minutos en *bajar*... ahí nunca se *bajóu jamás*...

—¿Aúnde?

—¿A La Peña las Grachas?

—Sí, baxóu unu, que postióu... foi postiando, poniendo maderas. Bueno ahí dicen tamién que... eso nun sei *fiju*, porque pareció que... —¡paizó!, non pareció—, paizó el collar d'una moza mui importante, mui buenu, ya dicen que la hubieran tirao abaxo; pero nun sé *fiju* si es ési si outru... en... unu d'esos paizó. El Pozu las Grachas nun sei si sería ése si outru, pero contaban eso, lu que cuentan... bueno, y más *nombres*... hai una fonte aquí p'allá... Fontellera, Puexu Lladrón, Puexu Redondu, Ente los Rubios, La Campa'l Tornu, El Tornu, Ente'l Veiru, La Tiesa... La Tiesa es un trozu, un cachu que va anchu ya acaba en punta... Bueno... ¡yá dixi unos cuantos!

Bueno, un añu... yá hai muchos años... iba colas uveichas... de Los Pozos de Marabiu a Sierros del Teixu, cuando me doi cuenta taba un llobu encima d'un carneirín, taba mordiéndolu... tenía por él no mui cuestu y mordiéndolu pol pescuozu, ya... coime, yá m'hubían matáu muchas —once aquel añu— y taba mui bravu you, digo yo:

—¡Pos éste nu[n] me lu comes, cabrón!

Ya iba a garrar el cordeiru así por una pata de lantre ya dale al llobu cola mochila que llevaba la comida na cabeza... ya marchóu, marchóu ya tovía me matanon... *eran* dos grandes y los pequenos, que sácanlos n'agostu. Bonu... él... tornéi todú quantu pude. Hai testigos anque you dixera... porque baxaban de la braña... al poucu van pa la vecera de Villamayor, ya suena una dicir... dicir así... ¡*Ladrón, ladrón, llévasme la mejor, cabrón!*

[M^a Luisa]: —No, nu[n] los tuviste *lejos el año pasado* ahí. Iba él pal monte, pa la peña, y iban por un carreirín...

[Feliciano]: —Por isi camín que va d'ahí a La Senda'l Gabitu, la senda principal, que yá mandéi a l'*ayuntamientu*... —aquí Teberga quedó una ruina, paranon las minas ya tamos cuatro xubilaos de pouca talla— digo yo: «Arreglái algo

esa senda, vienen montañeros, vien algo turismu... y siempre puei deixar algo aquí...». nu[n] me fan caso, non... Y iba prehí p'acullá, temprano... ¡coñu!, iba un llobu delante mí y digo you:

—¡Coñu, madrugas bien!, ¿qué tal te va?

Mira pa mí ya tira abaxo.

—¡Non mires pa mí, cabrón, que yo toi fartu ti hasta arriba!

Amenazábalu algo, tiraba abaxo. Y tiróu... saltóu por ahí abaxo... ya había dos vacas, una prieta ya outra roxa, y la prieta nun se movú —eran d'esta casa—, la roxa embistiulu como un... tal, y hasta que lu echóu fuera... Bueno, fue al cabu... tovía hai más, de llobos hai muchas...

[M^a Luisa]: —¡Hala, no! *Ahora* bueno... *ahora*, neno, tu tienes mucha *prisa*...

[Encuestador]: —¿Tienes *prisa*?

[Feliciano]: —No[n], no[n]...

[M^a Luisa]: —Teis qu'ir al monte, y teis que cambiarte antes de marchar...

[Feliciano]: —Bueno, hom, sí, hom... bueno.

[Encuestador]: —Bueno, *hombre*, pero cinco minutinos de charlar tampoco pasa nada, muyer...

[M^a Luisa]: —*Ahora* yá no, *ahora* yá hai más de cinco minutos...

[Encuestador]: —A mí préstame charlar, yo pa una vez que vengo... *déjame* tar cinco minutinos con él.

[Feliciano]: —Sí, *hombre*, él vien de mui *lejos*... vien de mui llobueña ya nun... quiere cosas que se tán acabando...

[M^a Luisa]: —¿Y qué tenéis nel museo?

[Encuestador]: —Pues todo... del recuerdu de *aperos* de llabranza y todo lo relacionao con molinos d'escanda, llagares... y todo piezas así... de todo eso... fotografías antiguas... y tamién pues la memoria de lo que sabe la xente... pa que nun se olvide.

[Feliciano]: —Sí, bueno, ta bien eso. Bueno, los llobos...

Un llobu *es* una fiera mui mala, vive espresamente de la caza, *es* un cazador de profesión, garra a una burra viecha por una nalga y déixale un... gárrale un bocáu... si vas con una navacha tendrás que afilala tres ou cuatro veces pa cortar lu qu'él cortóu. Así que... esto ye verdá como tamos los dos aquí. Y tán mui *protegíos*, aquí matan muchas cabras, yá lu dixi en Principado, pero... ¡coñu!, vienen dos ou tres llobos pa un cabritu de cuatro o cinco meses... ¡nu[n] me dexan nin los cuernos!... namái qu'un poucu pelu, ya eso nun val pa presentar. ¡Faen muchos estozos!



12. *La Pena Gradura & Alcuentru col llobu*
FELICIANO FERNÁNDEZ FERNÁNDEZ
Villamaor, TEBERGA

Semeya: J. S. L.

